


**MINISTERIU
NE'EBE MOTIVA
HUSI DOM
MINISTERIU**



Lisaun 9 ba 29 Agostu 2026

"Tanba bainhira hau
hakerek ba imi hau iha
terus boot no laran
susar no hau tanis
barak. Hau
lakohi atu halo imi tristi
maibe atu imi bele
hatene katak hau
hadomi imi ho domin
boot tebes."
(2 Korintu 2:4)






Bainhira ita tama klean liutan iha estudu kona ba Paulo nia surat daruak ba Korintu sira, ita haree katak apostlu ne'e interese loos ba igreja nia bem-estar.

Maski nunka fasil atu tuir Maromak nia dalan iha mundu ne'ebe nakonu ho sala ne'e, iha sekulu dahuluk deklarona katak nudar Kristu nia seguidor, ita la sees husi difikuldade boot sira.

Paulo prepara igreja atu hasoru difikuldade sira ne'e, tantu internu no esternu, no hanorin sira atu forma isin ida ne'ebe unidu iha domin no la egoísta. Husi konsellu ne'e ita bele aprende ohin lora atu sai "morin ba mundu" (2 Kor. 2:16).



MAROMAK NIA KONSOLASAUN IHA SOFRIMENTU



SANTIDADE NO SINERIDADE IHA MINISTERIU



ATU KOMPORTA HO MATENEK



PERDAUN NO RESTAURASAUN



KRISTU NIA MORIN

MAROMAK NIA KONSOLASAUN IHA SOFRIMENTU

"Nia foo kamaan ba ita iha ita nia terus hotu, atu nune ita bele foo kamaan ba ema seluk nebee iha terus saida deit, liu husi kamaan nebee ita simu husi Maromak." (2 Korintu 1:4)

Segunda Korintiu mak surat ne'ebe Paulo koalia naruk liutan kona ba konsolasaun. Igreja liu husi tempu difisil, no Paulo nia surat uluk halo sira tama iha tristeza oi-oin.

Maibe tristeza sira ne'e "tristeza tuir Maromak", ne'ebe lori ba arrepentimentu (2 Kor. 7:10). Tamba ne'e Paulo la hakarak tristeza ne'e domina sira, maibe nia hakarak sira hetan konsolasaun.

Paulo rasik liu husi tempu sira ne'ebe nia moris rasik iha perigu no nia monu iha desanimu (2 Kor. 1:8-10). Maibe Maromak fo konsolasaun ba nia, no agora nia transmite konsolasaun ne'e ba igreja (2 Kor. 1:6).

Maromak nia konsolasaun

Ida ne'e liberta ita husi tauk

Ida ne'e fo hanoin mai ita kona ba tempu sira ne'ebe Nia tulun ita

Ne'e ajuda ita atu tahan susar

Ida ne'e lori ita ba maturidade espiritual

Nia enkoraja ita atu halo intersesaun ba ema seluk

Ita fo kmaan ba malu hanesan ita hetan kmaan husi Maromak



SANTIDADE NO SINERIDADE IHA MINISTERIU

"Ami gaba aan tanba testemunha hosi ami nia konsiênsia. Tanba ami hela iha mundu nee, liu-liu iha imi nia leet, ho laran loosz no laran moos hosi Maromak, laos ho ema nia matenek maibee ho Maromak nia grasa." (2 Korintu 1:12 NIV)


Ema balu despreza Paulo, acusa nia katak fraku no laiha desizaun (2 Kor. 10:10). Tamba razaun ida-ne'e, no atu sira simu no aseita nia konsellu, apostolu presiza defende an husi akuzasaun sira hanesan ne'e.

Nudar ema, nia konsidera an hanesan ema ki'ik no la importante (Ef. 3:8). Maibe, liu husi grasa Maromak nian, nia bele orgullu tamba nia iha konsiensia moos (2 Kor. 1:12).



Tamba razaun ida ne'e, Paulo nia hakerek sira la iha intensaun subar. Nia espera katak surat sira ne'e sei lee no komprende iha kontestu santidade no sineridade—katak, hakerek husi domin ba sira no buka deit sira nia diak (2 Kor. 1:13-14).

Nia no nia kolega sira bele dehan ho konfiansa katak nia hahalok santu no sinseru [moos], tantu iha igreja nia laran no iha liur.



ATU KOMPORTA HO MATENEK

"Maibee hau husu Maromak sai sasin hasoru hau - tanba tebes hau la baa fali Korinto hodi hau la foo todan tan ba imi." (2 Korintu 1:23)

Iha nia surat dahuluk, Paulo informa ba ema Korintu sira kona ba rota ne'ebe nia planeia atu liu (1 Kor. 16:5-11):

Efesu

Makedonia

Korintu

Judea

Iha surat ida ikus (ne'ebe lakon, 2 Kor. 7:8), nia informa sira katak nia sei vizita sira dala rua (2 Kor. 1:15-16):

Efesu

Korintu

Makedonia

Korintu

Judea

Maibe, nia muda nia planu no deside atu la halo vizita dahuluk ne'e (2 Kor. 1:23). Mudansa sira ne'e halo ema balu kritika nia tamba konsidera nia instavel no muda-muda desizaun. Tambasa nia muda nia hanoin?

Paulo nia prezensa iha Korintu parese nesesariu tamba problema sira iha ne'eba. Maibe oposisaun ne'ebe nia sei hasoru bele lori ba konfrontasaun ida ne'ebe nia hakarak evita, tamba domin boot ne'ebe nia iha ba sira (2 Kor. 2:1-4).




FPERDAUN NO RESTAURASAUN

"Ema ida ne'ebe imi foo perdaun ne'e, hau mos foo perdaun. Ne'eduni, buat ne'ebe hau foo perdaun ona ne'e, se hau foo perdaun duni, ne'e tamba imi ne'ebe iha Kristu nia prezensa" (2 Korintu 2:10)

Bainhira Paulo iha dalan ba Troas, Tito ba Korintu. Husi Troas, Paulo ba Makedonia. Maibe nia sente tristeza boot tamba Tito la hasoru nia iha Troas atu fo notisia kona ba igreja iha Korintu (2 Kor. 2:12-13).

Depois de tempu badak, ikus mai Tito hasoru Paulo iha Makedonia. Nia konta ba Paulo oinsa igreja simu ho diak loos apostlu nia represaun sira (2 Kor. 7:5-9, 13-16).



Problema ida ne'ebe sira presiza rezolve mak kona ba disiplina igreja nian. Tuir apostlu nia orientasaun, ema ne'ebe halo sala hetan repreensaun, no nia simu repreensaun ne'e. Agora Paulo husu sira atu halo pasu tuir mai: perdaun no restaurasaun (2 Kor. 2:5-11).

KRISTU NIA MORIN

"Tamba ita mak Kristu nia morin midar ba Maromak iha ema nia leet nebee hetan salvasaun no iha ema nia leet nebee sei lakon" (2 Korintu 2:15)



Komenta kona ba oinsa Maromak "loke odamatan" atu evanjellu bele haklaken ho susesu iha Troas, Paulo hakilar ho hahi'i no vitoria: "Maibe agradese ba Maromak, ne'ebe sempre lori ita nudar dadur iha Kristu nia prosisaun triunfal no uza ita atu habelar aroma konesimentu kona ba nia iha fatin hotu-hotu" (2 Kor. 2:2).

Hanesa aroma ne'ebe nakonu iha fatin hotu, konesimentu kona ba Kristu to'o ba ema hotu. Ba Korintiu sira, no ba ita mos, aroma ne'e mak moris eternu. Maibe ba sira ne'ebe rejeita, nia sai mate (2 Kor. 2:15-16).



Foka ba responsabilidade ne'ebe nia lori, Paulo esplika katak mensajen tenke fo ho sinseridade, la buka vantajen pesoal ruma, maibe buka salvasaun ba sira ne'ebe rona (2 Kor. 2:17).



“Mensajeiru ne’e lori notisia ne’ebe haksolok katak iha ona mudansa furak ida iha fiar nain sira iha Korintu nia leet. Ema barak simu instrusaun ne’ebe hakerek iha Paulo nia karta no arrepende ona sira nia sala. Sira nia moris laos ona buat ne’ebe hafoer relijiaun kristaun, maibe fo influensia makaas ba Maromak.

Arrependimentu ne’ebe mak produz husi influensia grasa divina nian iha fuan sei lori ba konfisaun no husik sala. Nune’e mak fuan sira ne’ebe apostlu deklara katak haree ona iha sarani sira Korintu ne’e nia moris.